

Vom Uhrwerck.

vorzeyten gewesen / vnd dem so angefangen aber
nicht ins werck volbracht / vnd zu ende gefürt
worden.

Von dem newen Astronomischen Uhrwerck so jezmalen auffgericht.

Das ander Capittel.

Nach der zeyt als dises vorgemelt
Uhrwerck angefangen war / ist
ettlich malen darumb angesücht
wordē bey meinē G. G. S. durch
etliche Uhrenmacher / aber meine
G. G. S. nicht rhatfam solches
befunden. Zu letst Anno 1571 kurz vor Johannis
Baptiste kam alher von Schaffhausen Isaac
Habrecht vnd Josias Habrecht gebrüder / vnd
zu derselbigen zeit burger zu Schaffhausen / de-
ren ein jeder hatte ein sonder Uhrwerck gemacht /
der ein das Astrolabium, der ander Sphæram ma-
teriale wie die Mathematici solche Instrumenta
nennen / welche die stunden vnd Planeten stun-
den / auch Son vnd Mons lauff / vnd die Mon-
schein durch redder vnd derselbigen trib zeigten.
Vnd dieweil die Herren von Schaffhausen etli-
che in dem stipendio in vnserer Schulen vnd A-
cademey halten / vnd mir befolhen ein auffsehens
auff sie zu haben / dieselbigen kamē zu mir als Pro-
fessore Mathematico, begerten dise zwen gebrüder

C ij